

## Aston

Peirol, com avetz tan estat  
que no fezetz vers ni chanso?  
Respondetz me, per cal razo  
reman que non avetz chantat,  
s'o laissatz per mal o per be,  
per ir' o per joi o per que,  
que saber en volh la vertat.

Bernart, chantars no·m ven a grat  
ni gaire no·m platz ni·m sap bo;  
mas car voletz nostra tenso,  
n'ai era mon talan forsats.  
Pauc val chans que dal cor no ve;  
e pois jois d'amor laissa me,  
eu ai chan e deport laissat.

Peirol, mout i faitz gran foudat,  
s'o laissatz per tal ochaizo.  
S'eu agues agut cor felo,  
mortz fora, un an a passat,  
qu'enquer no posc trobar merce.  
Ges per tan de chan no·m recre,  
car doas perdas no m'an at.

Bernart, ben ai mon cor mudat,  
que totz es autres c'anc no fo.  
No chantarai mais en perdo

.....  
Mas de vos volh, chantetz jasse  
de celei qu'en grat no·us o te,  
e que perdatz vostr'amistat.

Peirol, manh bo mot n'ai trobat  
de leis, c'anc us no m'en tenc pro.  
e s'ilh serva cor de leo,  
no m'a ges tot lo mon serrat,  
qu'e·n sai tal una, per ma fe,  
c'am mais, s'un baizar me cove,  
que de leis, si·l m'agues donat.

Bernart, ben es acostumat,  
qui mais no·n pot, c'aissi perdo.

E la volps al sirieir dis o  
can l'ac de totes partz cerchat,  
las sirieias vi lonh de se,  
e dis que no valion re.  
Atressi m'avetz vos gabat.

Peirol, sirieias son o be,  
mas mal aya eu, si ja cre  
que la volps no n'aya tastat.

Bernart, no·m n'entramet de re,  
mas peza·m de ma bona fe,  
car no·n i ai re gazanhat.  
Peirol, com avetz tan estat  
que no fezetz vers ni chanso?  
Respondetz me, per cal razo  
reman que non avetz chantat,  
s'o laissatz per mal o per be,  
per ir' o per joi o per que,  
que saber en volh la vertat.

Bernart, chantars no·m ven a grat  
ni gaire no·m platz ni·m sap bo;  
mas car voletz nostra tenso,  
n'ai era mon talan forsat.  
Pauc val chans que dal cor no ve;  
e pois jois d'amor lascia me,  
eu ai chan e deport laissat.

Peirol, mout i faitz gran foudat,  
s'o laissatz per tal ochaizo.  
S'eu agues agut cor felo,  
mortz fora, un an a passat,  
qu'enquer no posc trobar merce.  
Ges per tan de chan no·m recre,  
car doas perdas no m'an at.

Bernart, ben ai mon cor mudat,  
que totes es autres c'anc no fo.  
No cantarai mais en perdo

.....

Mas de vos volh, chantetz jasse  
de celei qu'en grat no·us o te,  
e que perdatz vostr'amistat.

Peirol, manh bo mot n'ai trobat  
de leis, c'anc us no m'en tenc pro.  
e s'ilh serva cor de leo,  
no m'a ges tot lo mon serrat,  
qu'e·n sai tal una, per ma fe,  
c'am mais, s'un baizar me cove,  
que de leis, si·l m'agues donat.

Bernart, ben es acostumat,  
qui mais no·n pot, c'aissi perdo.  
E la volps al sirieir dis o  
can l'ac de totas partz cerchat,  
las sirieias vi lonh de se,  
e dis que no valion re.  
Atressi m'avetz vos gabat.

Peirol, sirieias son o be,  
mas mal aya eu, si ja cre  
que la volps no n'aya tastat.

Bernart, no·m n'entramet de re,  
mas peza·m de ma bona fe,  
car no·n i ai re gazanhat.  
Pos de mon joi vertadier  
si fan aitan voluntier  
devinador e parlier  
enveyos e lauzengier  
segon la fazenda,  
coven qu'ieu mi atenda;  
qar ginh mi a mestier  
ab qu'ieu mi defenda  
que negus non aprenda  
mon celat cossirier.

De midons aic de premier  
l'enveya e·l dezirier,  
et ab gran esfortz sobrier  
mi ten que ren mais non qier.  
Mas com que m'enprenda?  
Mos cors me ditz qu'atenda  
e sofra; e sofier,  
perqu'ieu cre qu'esmenda  
m'en fass' amors e·m renda  
qualque plazer leugier.

Tal vetz es non puosc sufrir  
qu'ab mi mezeis no m'azir  
e vuelh m'en ab tan partir  
qu'en autre domnei me vir;  
pero si·s remuda  
malautes can mielh cuda  
en outra part garir,  
e res no m'ajuda;  
anz fas lucha perduda,  
qu'ades torn sai murir.

Ai! tan doussamen dezir,  
si pogues esdevenir,  
c'amors mi fezes jauzir

aissi cum la·m fetz chاوزir.  
Trop l'ai atentuda  
mas ?la flam' esconduda  
es greus ad escantir.?  
Tot' es remasuda  
l'esperanssa vencuda  
que·m solia esbaudir.

Pero ades mi sove  
qu'amors deu atrair' a se  
franc coratg' ab bona fe  
mielhs que negun' outra re.  
E silh on s'eslansa  
tota ma deziransa  
pus mon cor sap e ve  
no·m torn en viltansa;  
c'aitan co·l reis de Fransa  
sui hieu rics d'amar be.

E pus autre pro no·m te,  
preyar l'ai enquer de me,  
qu'auzit ai retrair' ancse  
que chaitius es qi·s recre,  
e sai ses doptansa  
qu'el a desesperansa.  
Quant hom troba merce,  
dobra l'alegransa  
e·l joys e·l benenansa  
a selh cui esdeve.

Dalfi, ses duptansa  
joy' e pretz vos enansa  
mielhs c'amors no fai me.

- letto 560 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
CF 80209930587 PI 02133771002

---

**Source URL:** <https://letteraturaeuropea.let.uniroma1.it/?q=laboratorio/aston-23>